



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Epistola Responsoria R. P. Isaaci De Bruyn Societatis Jesu  
Ad Eximum Dominum Martinum De Svvaen S. Th.  
Doctorem Lovaniensem &c.**

Bruyn, Isaac van

[Verlagsort nicht ermittelbar], 1693

Epilogus ad Epilogum Eximii.

**urn:nbn:de:hbz:466:1-40327**

rum hoc adeò non fecisti ; ut ne tentaveris quidem , probè tibi conscius , arcem vestram nulla parte magis esse debilem , & facilius expugnabilem , quam istac , licet gloriari soleatis esse firmissimam , & prorsus inexpugnabilem.

Quæ §. §. 12. 13. 14. 15. 16. 17. 18. ad nauseam , & Lectoris etiam parum delicati fastidium rursus ingeris . jam refutata habes in Superioribus , neque mihi lubet responsa mea toties iterare , quoties easdem næniās tibi lubet instaurare : quare propero ad Conclusionem tuam sive Epistolæ tuæ Epilogum .

### *Epilogus ad Epilogum Eximii.*

**D**E Præsidiis humanis quodammodo desperans in Deo fiduciam omnem collocas , & cælo solatium expectas , quando homines tibi adeo iniqui sunt. Existimas fore , ut veritas increata Deus tuus te hoc suo cælesti effato confortet : beati estis , cum maledixerint vobis , & persecuti vos fuerint , & dixerint omne malum adversum vos , mentientes propter me. Gaudete , & exultate , quoniam merces vestra copiosa est in cælis. Beatus es Eximie Martine ? Beatus es ? Non invideo : sed an qui se beatos dicunt ipsi se decipiunt ? Beatus es quia homines non nulli maledictis te incessunt , & me maledicentibus ipsis annumeras ? Ubi quæso , vel quando maledixi tibi ? Quando sinistri aliquid imprecatus sum , aut nomen tuum , affeci contumeliā ? Quisquis igitur sana tibi suggerit consilia , quisquis errantem te in viam studet animo sincerissimo & benevolentissimo reducere , qualem mihi esse Deus novit , tibi maledicit ? An tu quoties Calvinistas cupis reducere , roties maledicis Calvinistis ? Non existimo. Ego te persecutus sum ? Meam credo indignationem veritus Lovanio fugisti: alii abivisse te dicunt majoris dignitatis & pinguioris , ac lautioris spartæ dulcedine invitatum , alii auctoritate aliqua majore compulsum. Quid verum sit , scis ipse. Ego non soleo duci rumoribus. Dixine ego omne malum adversus te propter Christum mentiens ? Usque adeo ego IESU Christi hostis sum , ut omne malum adversus te mentiens evomam , quia tu IESUM Christum amas ? Totus ad hanc tuam teterriam suspicinem exhorresco. Et ego IESUM Christum amo , & nihil mihi est istoc nomine carius , ita me amet IESUS Christus : & adeo tibi minimè male volo , ut te velut alterum Ioannem in Christi IESU sinu positum videre desiderem , hoc meum votum ex intimis medullis haustum , cogitationibus tam nigris pensas ? Utinam , utinam merces tua

fit in cælis copiosa? Id unicè opto: sed vereor, & multum vereor, ut votum hoc meum exaudiri possit, quamdiu Iansenium tantopere deperis, ut ejus sensui detrectes dicere anathema: quamdiu recentiores Calvinistas, qui à Calvini & Dordracenæ Synodi vestigiis non deflectunt, ut ipsi profitentur, hac in parte existimas sentire Catholicè. Vereor inquam, (utinam vanus sit hic metus) ne commune habeas cum Calvinistis & Iansenistis Cœlum, in quo superbi spiritus in homines superbos & opinionum suarum pertinaces dominatum, ac Tyrannidem exercent.

Sperabam fore, ut præclaris his Christi verbis abundè recreatus desineres: sed desinere non potes: unum, pergis, priusquam finiam indicandum cœfui, nimirum animum mibi non esse, bisce tecum contentionibus diutius immorari, quandoquidem abundè satisfecerim. Cur animus tibi fuit contentiones halce fuscitare primitum. Cur me nihil simile cogitantem provocasti ultrò? Cur intermissum certamen iterum renovasti? Sperabas semper exitum certaminis feliciorem, tandem, post tot irritos conatus desperas: piget tot pugnarum. Sapis, sed utinam citius sapulses. Interim hoc habes solatii, & in eo tibi plaudis, quod abundè satisfeceris: solatium id tibi erectum non volo, plaudo tibi Domi tuæ quantum volueris, sed vide ut applausores habeas rectè sentientes.

Accedit, inquis, & hæc ratio, quod cum illis mihi res sit, qui in omni causa quantumvis infundata, de ultimo responso gloriam querere videntur: Argutè, bellè! Magistraliter! Eximus Martinus provocavit ad certamen, & lacepsivit pacis amantem, hæc igitur illi debetur gloria, quod pugnæ initium dederit, & hanc quoque laudem aliquis illi invidet, quod finem certaminis imposuerit, & victor leges dederit, quas silendo adversarius agnoverit? Id ni fecero arrogans sim, & ambitiosus gratiæ captator. Neque me solum, sed socios meos mordes universim omnes: in omni tibi causa, QUANTUMVIS INFUNDATA gloriam querere videmur de ultimo responso infelicem enim vero & miseram conditionem nostram, si filemus, ut nimium diu aliquando siluimus, si vel unus prodeat Iansenistarum Libellus, quem non statim convelli mus, quia nihil novi occinit, si vel unam ratiunculam centies elisam taciti præterimus, silentium nostrum mox in argumentum victoriæ suæ vertunt Iansenistæ. Libellus ille plenis buccis invictus dicitur: mandantur illo Iesuitæ omnes; nullus est, qui possit, aut ausit hiscere: sic modestiæ nostræ & silentio insultatur: si respondemus, si nihil prætermittimus, quod solida responsione non enervemus, si materiam hanc inanis triumphi præcidimus, vani, ambitiosi, gloriæ cupidi

fuc

sumus : Qualis qualis causa sit , ultimi responsi gloriam auctiupamur . Neque silere igitur , neque loqui Iesuitis licet . O miseros Iesuitas , & ineluctabili peccandi necessitate constrictos ! Quodque omnium est miserrimum , necessitate neminem excusante , si Jansenistis fides est .

Eximie Martine , patere candidè me animi mei sensa proloqui : nunquam gloriæ causa ( Deus mihi testis est ) adversus lacessentem te processi , sed misericordiâ motus , & animæ tuæ tuorumque discipulorum , qui te pro oraculo audire dicebantur , servandæ impulsus desiderio . Si gloriæ studiissem , alium mihi sumpsisssem adversarium , & cui nominis plus fuisset , & plus dentium , & alia ratione certassem . Noli tibi blandiri , Vir non es tantus , ut quis te victo , magnum sibi se fecisse nomen sperare possit . Tui tuorumque amor egit me in pugnam , non gloriæ cupiditas : quare quam potui modestissimè & sincerissimè rationes tibi meas semper proposui , ut in hac rursus scriptione feci , sperans tandem aliquid profectum me , aspirante præsertim cœlesti lumine , quod errores tibi tuos aperiret , & accedente impulsu diuino , qui obstinatam flecteret voluntatem . Expectationem meam fellisti haetenus , nunc tandem per animam tuam te quæsto , non mea causâ , sed salutis tuæ Ecclesiam Matrem tuam audi : ne sis sicut Ethnicus , & Publicanus : Jansenio , quem proscripsit ipsa valedic . Id non ego , non omnes boni dumtaxat , sed JESUS Christus à te flagitat , qui prote sanguinem suum fudit , quod firmissimè credendum est . Noli obliquos tramites sectari , per quos girari amat tortuosus coluber : Noli inhonestas vestigare rimas , quibus elabarisi , quarum hæreticos ipsos eorumque Principem Iurium pudeat : noli Phrases incassum coacerare Thomisticas , quibus Jansenianam turpitudinem veles . Cum Theodoreto dic aperte anathema Jansenio prout ipse dixit Nestorio : quod si feceris acclamabo & acclamabunt boni omnes : *Eximus Martinus Swanius Catholicus est , Catholicum Doctorem Cathedra Lovaniensis admittat : Christiano illi nomen est : Catholicus cognomen . Hæc erit ultimi responsi mei solida gloria : Doctori Eximio Martino Swanio plaudite.*

EXIMIE DOMINE MAGISTER

D V.

Humillimus Servus in Christo

LOVANII 12. APRILIS 1693.

ISAACUS DE BRUYN

SOCIETATIS JESU.

IMPRIMI POTERIT. NICOLAUS DU BOIS Librorum Censor &c.